

ՄԱՍԼՈ ՀԱՂՈՐԴԱԳՐՈՒԹՅՈՒՆ

26 օգոստոսի, 2014թ.

ք. Երևան

ՀՀ 2014-2018թթ. հակակոռուպցիոն ռազմավարության նախագծի (կառուցվածքի) քննարկման ՔՀԿ-Կառավարություն աշխատանքային հանդիպման

2014 թվականի օգոստոսի 26-ին Երևանի «Բեստ Վեստեռն Կոնգրես» հյուրանոցի «Ուիկաստ» սրահում տեղի ունեցավ ՔՀԿ-Կառավարություն աշխատանքային հանդիպում՝ ՀՀ 2014-2018թթ. հակակոռուպցիոն ռազմավարության նախագծի (կառուցվածքի) քննարկման նպատակով: Միջոցառմանը ողջունելի խոսքով հանդես եկան ՀՀ Արդարադատության նախարարի տեղակալ Սուրեն Քրմոյանը, Հայաստանում ԵՄ պատվիրակության համագործակցության բաժնի ղեկավար Հոա-Բին Աջեմյանը, «Հայաստանի երիտասարդ իրավաբանների ասոցիացիա» ՀԿ նախագահ, «Կոռուպցիայի դեմ պայքարի բազմակողմանի խթանում» ծրագրի ղեկավար Կարեն Զադոյանը:

«Մեր ծրագրի կողմից Հայաստանի Հանրապետության վարչապետին և Հայաստանի Հանրապետության արդարադատության նախարարին ուղարկվել են առաջարկություններ Հայաստանի Հանրապետությունում հակակոռուպցիոն անկախ մարմնի ստեղծման, ինչպես նաև ապօրինի հարստացման քրեականացման վերաբերյալ: Առաջարկությունների հեղինակները մեր ծրագրի տեղական և միջազգային փորձագետներն են», -բացման խոսքի ժամանակ նշեց Հայաստանի երիտասարդ իրավաբանների ասոցիացիայի նախագահ, «Կոռուպցիայի դեմ պայքարի բազմակողմանի խթանում» ծրագրի ղեկավար Կարեն Զադոյանը:

«Այսօրվա քննարկումներից մենք մեծ ակնկալիքներ ունենք, քանի որ հակակոռուպցիոն ռազմավարության նախագիծն արդեն մոտենում է ավարտական փուլին և ակնկալում ենք մեր գործընկերների կարծիքները, մեկնաբանությունները: Ինչպես ամրագրված է մեր հայեցակարգում՝ հասարակության վստահությունը, հասարակության մասնակցությունը այն կարևոր և անփոխարինելի գործոնն է, որը հնարավորություն կտա արդյունավետ ձևով իրականացնել ռազմավարությունը», -նշեց ՀՀ Արդարադատության նախարարի տեղակալ Սուրեն Քրմոյանը:

«Իմ կարծիքով այս հայեցակարգը հրաշալի վերլուծում է ներկայիս իրավիճակը Հայաստանում և հուսով ենք, որ ռազմավարության նախագիծը կօգնի առաջ ընթանալ: Ժամանակն է գործելու, ժամանակն է առաջ ընթանալու: Մենք գիտենք, որ Հայաստանը կարող է շատ լավ պայքարել կոռուպցիայի դեմ», - ասաց Հայաստանում ԵՄ պատվիրակության համագործակցության բաժնի ղեկավար Հոա-Բին Աջեմյանը:

Ծրագրի հիմնական նպատակն է մեծացնել քաղաքացիական հասարակության կազմակերպությունների (ՔՀԿ) դերը հակակոռուպցիոն բարեփոխումների խթանման և իրականացման գործում: Ծրագրի շրջանակներում կհզորացվեն ՔՀԿ-ների և ԶԼՄ-ների մոնիթորինգի և վերահսկողության կարողությունները: Կկազմակերպվեն հակակոռուպցիոն դասընթացներ ՀՀ մարզերում ՔՀԿ-ների և ԶԼՄ-ների համար՝ կոռուպցիոն բնույթի և տեղեկատվության ազատության խնդիրներին առավել լավ ըմբռնելու համար: Այս միջոցառումների նպատակը հակակոռուպցիոն գործողությունների իրականացման առկա հնարավորությունների խորացումն է: Հանրային վերահսկողության արդյունավետության բարձրացման և համապատասխան մոնիթորինգային, վերահսկողական և հետաքննական ծրագրերի իրականացման նպատակով կտրամադրվեն փոքր դրամաշնորհներ: Հակակոռուպցիոն ինստիտուցիոնալ մեխանիզմների ամրապնդման համար ՔՀԿ-ների մասնակցությամբ կմշակվի ՔՀԿ-կառավարություն կայուն երկխոսություն:

Ծրագիրն իրականացվում է Եվրոպական միության ֆինանսական օժանդակությամբ՝ «Հայաստանի երիտասարդ իրավաբանների ասոցիացիա» ՀԿ-ի կողմից (իրականացնող)՝ «Ինֆորմացիայի ազատության կենտրոն» ՀԿ-ի հետ համագործակցությամբ (գործընկեր): Ծրագրի տևողությունը 3 տարի է (2014 թվականի հունվարից 2016 թվականի դեկտեմբեր): Ծրագրի բյուջեն կազմում է 650.000 Եվրո:

Հայաստանի երիտասարդ իրավաբանների ասոցիացիան (ՀԵԻԱ) ստեղծվել է 1995թ.-ին: ՀԵԻԱ-ի առաքելությունն է նպաստել Հայաստանում իրավունքի գերակայության, ժողովրդավարության և քաղաքացիական հասարակության կայացմանը, որտեղ բնակչությունը իրազեկ է, իսկ նրա իրավունքները՝ պաշտպանված:

Ինֆորմացիայի ազատության կենտրոնը (ԻԱԿ) գործում է ավելի քան 10 տարի: ԻԱԿ-ի առաքելությունն է նպաստել տեղեկատվության ազատության մասին օրենսդրության կիրառմանը, ՀՀ կառավարման համակարգի թափանցիկությանն ու հրապարակայնությանը և այդ համակարգում քաղաքացիական հասարակության մասնակցության ապահովմանը:

Լրացուցիչ տեղեկությունների համար կարող եք դիմել. Ծրագրի հանրային կապերի համակարգող Նարինե Կարապետյանին, աշխատանքային օրերին, ժամը 9.00-18.00: **հեռ. 540199; ֆաքս 580299; URL <http://www.ayla.am>:**

Կատարող՝ Նարինե Կարապետյան, Էլ.փոստ՝ pr@ayla.am



Հայաստանի երիտասարդ իրավաբանների ասոցիացիա
Հասցե՝ Նալբանդյան 7, բն. 2
Երևան, Հայաստան, 0010

Հեռախոս: +37410 54 01 99
Հեռապատճե: +37410 58 02 99

Ինֆորմացիայի ազատության կենտրոն
Հասցե՝ Բուզանդի 1/3
Երևան, Հայաստան, 0010

Հեռախոս: +37410 56 03 60
Հեռապատճե: +37410 56 03 60
Հեռապատճե: +37410 54 64 94
Հեռապատճե: +37410 54 64 95

Ծրագիրը
ֆինանսավորվում է
Եվրոպական միության
կողմից

Հայաստանում
Եվրոպական միության
պատվիրակություն
Հեռախոս +37410 54 64 94
Հեռապատճե +37410 54 64 95

Եվրահանձնաժողովը ԵՄ գործադիր մարմինն է:
Եվրամիությունն ունի 28 անդամ երկիր, որոնք որոշել են աստիճանաբար կապակցել իրենց նոու-հաուն, ռեսուրսներն ու ուղիները: 50 տարվա ընդարձակման ժամանակահատվածում նրանք միասին ստեղծել են կայունության, ժողովրդավարության ու կայուն զարգացման տարածք՝ պահպանելով մշակութային զանազանությունը, հանդուրժողականությունը և յուրաքանչյուրի անկախությունը: Եվրամիությունը հանձնառու է կիսել իր ձեռքբերումներն ու արժեքները իր սահմաններից այն կողմ գտնվող երկրների ու ժողովուրդների հետ: